

大智度論

第七十七

二百十五
表七

489/3



Vertical text or stamp located below the central watermark, possibly containing a date or library reference.

Small handwritten mark or characters in the bottom left corner.

Small handwritten mark or characters in the bottom right corner.

法一切法空云何知衆生若垢若淨世尊
離相法無垢無淨空相法無垢無淨離相空
相法不能得阿耨多羅三藐三菩提離相空
相無法可得世尊離相中空相中無有菩薩
得阿耨多羅三藐三菩提者世尊我云何當
知佛所說義佛告須菩提於汝意云何是衆
生長夜行我我所心不如是世尊衆生長夜
行我我所心於汝意云何是我我所心離相
不空相不須菩提言世尊我我所心離相空
相於汝意云何以此我我所心衆生往來生
死中不如是世尊以此我我所心衆生往來
生死中如是須菩提衆生往來生死中故知

有垢惱須菩提若衆生無我我所心無著心
是衆生不復往來生死中若不往來生死中
則無垢惱如是須菩提衆生有淨須菩提白
佛言世尊若菩薩摩訶薩如是行爲不行色
不行受想行識爲不行四念處乃至八聖道
分爲不行內空乃至無法有法空爲不行佛
十力乃至一切種智何以故是法不可得亦
無行者亦無行處亦無行法世尊菩薩摩訶
薩如是行一切世間諸天人阿脩羅不能降
伏是菩薩摩訶薩一切聲聞辟支佛所不能
及何以故所任處無能及故所謂菩薩位世
尊是菩薩摩訶薩行應薩婆若心無能及者

須菩提菩薩摩訶薩如是行疾近薩婆若須
菩提於汝意云何若閻浮提衆生盡得人身
得人身已皆得阿耨多羅三藐三菩提若有
善男子善女人盡其形壽供養恭敬尊重讚
歎持是善根迴向阿耨多羅三藐三菩提是
人以是因緣得福多不須菩提言甚多世尊
佛言不如是善男子善女人於大衆中說是
般若波羅蜜出示分別照明開演亦應般若
波羅蜜行正憶念其福多乃至三千大千世
界中衆生亦如是須菩提於汝意云何閻浮
提中衆生一時皆得人身得人身已若善男
子善女人教行七善道四禪四無量心四無

色定教令得須陀洹道乃至羅漢辟支佛
道教令得阿耨多羅三藐三菩提是善根
迴向阿耨多羅三藐三菩提須菩提於汝意
云何是善男子善女人得福多不須菩提言
甚多世尊佛言不如是善男子善女人以是
甚深般若波羅蜜爲衆生說出示分別照明
開演亦不離薩婆若得福多乃至三千大千
世界亦如是是菩薩摩訶薩不遠離應薩婆
若心則到一切福田邊何以故除諸佛無有
餘法如菩薩摩訶薩勢力何以故諸菩薩摩
訶薩行般若波羅蜜時於一切衆生中起大
慈心見諸衆生趣死地故而大起大悲行是道

時歡悅而生大喜不與想俱不得大捨。須菩提提是爲菩薩摩訶薩大智光明大智明者所謂六波羅蜜。須菩提是諸善男子。雖未作佛能爲一切衆生作大福田。於阿耨多羅三藐三菩提亦不轉所受供養衣服飲食卧床疾藥資生所須行。應般若波羅蜜念能畢報施主之恩。疾近薩婆若。以是故。須菩提若菩薩摩訶薩欲不虛食國中施。欲示衆生三乘道。欲爲衆生作大明。欲拔出三界牢獄。欲與一切衆生眼。應常行般若波羅蜜。行般若波羅蜜時。若欲有說。但說般若波羅蜜說般若波羅蜜。已常憶念般若波羅蜜。常憶念般若波羅蜜。

羅蜜已常行般若波羅蜜不冷餘念得生晝
夜勤行般若波羅蜜相應念不息不休須菩
提譬如士夫未曾得摩尼珠後時得得已大
歡喜踊躍後復失之便大憂愁常憶念是摩
尼珠作是念我奈何忽亡此大寶須菩提菩
薩摩訶薩亦如是常憶念般若波羅蜜不離
薩婆若心須菩提白佛言世尊一切念性自
離一切念性自空云何菩薩摩訶薩行般若
波羅蜜不離應薩婆若念是遠離空法中無
菩薩亦無念無應薩婆若佛告須菩提若菩
薩摩訶薩如是知一切法性自離一切法性
自空非聲聞辟支佛作亦非佛作諸法相常往

法相法在法位如實際是名菩薩行般若波
羅蜜不離薩婆若念何以故般若波羅蜜性
自離性自空不增不減故須菩提白佛言世
尊若般若波羅蜜性自離性自空云何菩薩
摩訶薩與般若波羅蜜等得阿耨多羅三藐
三菩提佛告須菩提菩薩摩訶薩與般若波
羅蜜等不增不減何以故如法性實際不增
不減故所以者何般若波羅蜜非一非異故
若菩薩聞如是般若波羅蜜相心不驚不沒
不畏不怖不疑須菩提當知是菩薩摩訶薩
行般若波羅蜜當知是菩薩摩訶薩必住阿
鞞跋致地中須菩提白佛言世尊般若波羅

蜜空無所有不堅固是行般若波羅蜜不不
也須菩提卅尊離空更有法行般若波羅蜜
不不也須菩提卅尊是般若波羅蜜行般若
波羅蜜不不也須菩提卅尊離般若波羅蜜
行般若波羅蜜不不也須菩提卅尊色是行
般若波羅蜜不不也須菩提卅尊受想行識
是行般若波羅蜜不不也須菩提卅尊六波
羅蜜是行般若波羅蜜不不也須菩提卅尊
四念處乃至十八不共法是行般若波羅蜜
不不也須菩提卅尊色空相虛誑不實無所
有不堅固相色如相法相法住法位實際是
行般若波羅蜜不不也須菩提卅尊受想行

識乃至十八不共法空相虛誑不實無所有
不堅固相如法相法住法位實際是行般若
波羅蜜不不也須菩提世尊若是諸法皆不
行般若波羅蜜云何行名菩薩摩訶薩行般
若波羅蜜佛告須菩提於汝意云何汝見有
法行般若波羅蜜者不不也世尊須菩提汝
見般若波羅蜜菩薩摩訶薩可行處不不也
世尊須菩提汝所不見法是法可得不不也
世尊須菩提若法不可得是法當生不不也
世尊須菩提是名菩薩摩訶薩無生法忍菩
薩摩訶薩成就是忍得受阿耨多羅三藐三
菩提記須菩提是名諸佛無所畏無礙智菩

薩摩訶薩行是法勤精進若不得大智一切
種智所謂阿耨多羅三藐三菩提智者無有
是處何以故是菩薩摩訶薩得無生法忍故
乃至阿耨多羅三藐三菩提不減不退須菩
提白佛言世尊諸法無生相此中得阿耨多
羅三藐三菩提記不不也須菩提世尊諸法
生相此中得阿耨多羅三藐三菩提記不不
也須菩提世尊諸法非生非不生相得阿耨
多羅三藐三菩提記不不也須菩提世尊諸
菩薩摩訶薩云何知諸法得阿耨多羅三藐
三菩提記佛告須菩提汝見有法得阿耨多
羅三藐三菩提記不不也世尊我不見有法

得阿耨多羅三藐三菩提記我亦不見法有
得者得處佛言如是如是須菩提若菩薩摩
訶薩於一切法無所得時不作是念我當得
阿耨多羅三藐三菩提用是事得阿耨多羅
三藐三菩提是名阿耨多羅三藐三菩提處
何以故諸菩薩摩訶薩行般若波羅蜜無諸
憶想分別所以者何般若波羅蜜中無諸分
別憶想故問曰上已種種說般若相今何以
更問答曰般若波羅蜜第一微妙聞者無厭
足無滿時無一定相故不應難如十住大菩
薩於般若波羅蜜猶未滿足何況須菩提小
乘人復次上聞種種讚般若。是父是母等是

故更問佛因須菩提問爲餘衆生故廣說般若波羅蜜相。須菩提所謂虛空相是般若波羅蜜相。如虛空無色相。無非色相。般若波羅蜜亦如是。無所有相。須菩提更問頗有因緣諸法相。如般若相。不佛答。有一切法。究竟空。究竟離相。故說如般若波羅蜜相。一切法亦如是。須菩提難若一切法離相。空相云何。知有垢淨云何。菩薩得無上道。佛告須菩提。於汝意云何。衆生長夜行。我我所等。是佛所說。義如我。我所畢。竟無衆生。狂顛倒。因緣故。生諸煩惱。煩惱因緣。故有業業。因緣。故於生死中。往來是事。本末空。何以故。我無故。我所心。

虛誑我所心虛誑故諸餘因果展轉法皆是
虛誑若因般若波羅蜜實智慧觀五衆無常
苦空無我離自相自相空從本來畢竟不生
亦時我我所心則滅如日出衆冥皆除我我
所心滅故餘煩惱滅餘煩惱滅故業因緣亦
滅業因緣滅故往來生死中斷是名為淨雖
一切法相皆空亦如是因緣故有淨有垢亦
時須菩提思惟籌量佛語已白佛言世尊菩
薩如是行實不行色等一切法何以故是菩
薩不得是法若行行處行者世尊若菩薩能
如是行一切人天世間無能降伏者世間人
皆著假名是行者行實法是故不能伏世間

人著一切虛誑顛倒及虛誑果報是菩薩於
畢竟空中尚不著何況餘法如是云何可降
伏天人阿脩羅世間者是三種善道中有智
慧人故說不能伏又復一切聲聞辟支佛所
不能及者上三善道據未得道人此中說得
道者不能及此中說不能及因緣所謂菩薩
入法位一切魔魔所使無能惱者是菩薩常
行應薩婆若心則近阿耨多羅三藐三菩提
何以故不著一切法常集一切助道法故佛
可其言而讚佛欲以如是智慧為他人說故
先讚菩薩自利益今為利益他分別福德果
報故問須菩提於汝意去何閻浮提衆生盡

得人身如經廣說乃至應薩婆若心出一切
福田之上是中說因緣若菩薩能自行般若
波羅蜜亦能教他是人於一切福田能到其
邊福田者從須陁洹乃至佛是菩薩能如所
說般若履行則得作佛餘福德善法離般若
波羅蜜故皆盡般若波羅蜜不可盡故言無
有餘福德如菩薩摩訶薩力勢者是中自說
因緣菩薩行般若時得諸法平等忍得平等
忍故雖行空亦能生四無量心四無量心中
大悲是大乘之本見衆生就於死法如囚受
戮諸菩薩能生六波羅蜜等乃至一切種智
是故是人雖未得無上道已是一切衆生之

福田是故言菩薩摩訶薩若欲不空食國中
施者當學般若波羅蜜不空食名能報施主
能生道能令施主之福無盡乃至入涅槃若
示衆生三乘道為衆生示一切智大明亦欲
拔出三界獄中四縛欲令衆生得五眼應常
行般若波羅蜜相應念者即是般若心若行
般若波羅蜜心若有所說但說般若波羅蜜
佛勅弟子若和合共任常行二事一者賢聖
默然二者說法賢聖默然者是般若心說法
者說般若波羅蜜是人從般若心出說般若
波羅蜜說般若波羅蜜已還入般若中不令
餘心餘語得入晝夜常行是不休不息如是

得先所說功德佛欲今是事明了故說譬喻
如貧人失大價寶常念不離菩薩亦如是不
離薩婆若心常行般若波羅蜜不休不息亦
時須菩提聞是事白佛言世尊若一切諸念
空云何菩薩不離薩婆若念空中菩薩不可
得薩婆若亦不可得佛答若菩薩知一切法

離自性非聲聞辟支佛所作亦非佛所作自
從因緣出諸法相如實際常住世間即是菩
薩不離般若波羅蜜行佛自說因緣般若波
羅蜜空故離故不增不減須菩提聞是復問
佛若般若波羅蜜性空云何菩薩與般若合
得無上道佛隨須菩提語若菩薩與般若波

羅蜜合則不增不減諸法如法性實際不增
不減故般若波羅蜜不增不減般若波羅蜜
即是諸法如法性實際如法性實際即是般
若波羅蜜此中佛自說因緣如如等三法非
一非異般若亦如是世間法非一即是二不
異即是一般般若波羅蜜則不尔是故般若波
羅蜜無量無邊空無相無作故不增不減若
菩薩得是不增不減則能得阿耨多羅三藐
三菩提若菩薩聞是事通達無得入佛智慧
雖未作佛信力故於佛法中亦無疑不怖不
畏所以者何凡夫著我心故有畏是菩薩我
想斷故無所畏當知是菩薩即任阿鞞跋致

地亦能正行般若。若須菩提聞是菩薩正行般若。波羅蜜是。故問佛世尊。般若波羅蜜觀一切空。不牢固。是空相為行般若。不佛言不也。何以故。若空無有法。云何行般若。離是空更有法。行般若。不佛言不也。何以故。若一切法空。無相無作。云何離空更有法。是故說不須菩提。聞空非行般若。離空非行般若。一切法皆攝在般若中。今但問般若行般若。不法不目。行應以異法行。是故言不復問離般若更有法。行般若。不佛言不。何以故。一切法攝在般若中。更無法。行般若。先來略問行般若者。今問名字。因緣五衆。行般若。不佛言不。何以

故是五衆從虛誑和合因緣不自在故無作
相云何能行須菩提更問若菩薩假名字空
不實故不行般若今六波羅蜜等諸助道法
行般若波羅蜜不佛言不何以故如五衆和
合有故不能行是諸法亦如是色等法空相
不牢固如法相法位法住實際是法行般若
不佛答是法無為法不生不滅常住自性故
不行須菩提問佛世尊假名字故人不行諸
法亦和合因緣生無自性故亦不行誰當行
般若若不行云何得無上道今佛以反問答
於汝意云何須菩提從佛急求行般若者是
故佛問汝以慧眼見定有一法行般若不須

菩提因三解脫門入諸法實相中法相不可
得何況行者是故答言世尊不見有行般若
者復問汝見是般若波羅蜜菩薩行處不須
菩提答言不見何以故般若波羅蜜中一切
諸觀滅若常若無常若生滅等無一法定相
是般若云何當說是般若波羅蜜復問若汝
以智慧眼不見法是不見法為有為無答言
無何以故佛說智慧眼實肉眼天眼虛誑須
菩提以慧眼觀不見故言無復問若法無不
可得是法有生不答言不生是法本自無畢
竟空無所有是法有無義戲論已滅云何有
生佛語須菩提若菩薩於是法中通達無疑

信力智慧力故能任是法中是名無生忍五
衆中假名菩薩得如是法是名行般若波羅
蜜世俗法故說非第一義第一義中諸戲論
語言即是無生得是無生忍便受無上道記
佛言若菩薩一心勤精進不休不息隨無生
忍行不得是大智慧無上智慧一切智無有
是處何以故如經說若無因無緣則無果報
耶因緣亦無果報因緣少亦無果報如是菩
薩得是無生法忍捨是生死肉身得法性生
身住菩薩果報神通中一時能作無量變化
身淨佛世界度脫衆生是人末後身具足佛
法坐道場具足止因緣若不得阿耨多羅三

藐三菩提無有是處所以者何是人得無生
忍法一心直進無有廢退故菩薩未得無生
法忍深者世間法諸煩惱厚雖有福德善心
濡薄不集故爲煩惱所遮得無生法忍無復
是事未得無生法忍用力艱難譬如陸行得
無生法忍已用力甚易譬如乘船是故無生
法忍諸菩薩所貴以是貴故須菩提問世尊
得無生法故受記佛言不也何以故無生法
不生不滅無得相云何云因是受記復問生
法得記耶佛言不得何以故生法虛誑妄語
作法云何得阿耨多羅三藐三菩提真實法
復問生不生得受記不佛言不也何以故此

二俱有過故復問世尊若尔者云何當受記
佛反問汝以慧眼觀見有法與菩薩受記不
答言不見何以故是法從本已來寂滅相是
中無見不見授記不授記亦不見阿耨多羅
三藐三菩提亦無得法亦無得者此中自說
因緣般若波羅蜜無是憶想分別問曰須菩
提上問菩薩得無生忍故授記佛言不佛何
以還以無生理答所謂菩薩行般若時無一
切憶想分別答曰行者實以無生忍故受記
而須菩提爲菩薩故以著心得心問以是故
言不如一切法實無我婆蹉梵志問佛有我
不佛默然不答無我不佛亦不答一切雖實

無我以梵志著心問欲戲弄無我故不荅須
菩提問意知定有授記事但不知觀何法得
記故問是故佛以須菩提所得法問汝以慧
眼見定有法授記不須菩提任三解脫門中
觀法性不見定有授記者諸法法性無相無
量故若不見受記法云何當得阿耨多羅三
藐三菩提者須菩提聞是授記者空難情則
息自解無疑佛可其意如是如是汝不見不
得法是實何以故般若波羅蜜相無所分別故
大智論釋魔愁品第六十二
尔時釋提桓因白佛言世尊是般若波羅蜜
無諸憶想分別畢竟離故世尊是衆生聞是

般若波羅蜜能持讀誦說正憶念親近如說
行乃至阿耨多羅三藐三菩提不雜餘心心
數法者不從小功德來佛言如是如是聞是
深般若波羅蜜乃至不雜餘心心數法者不
從小功德來憍尸迦於汝意云何若閻浮提
衆生成就十善道四禪四無量心四無色定
復有善男子善女人受持深般若波羅蜜讀
誦親近正憶念如說行勝於閻浮提衆生成
就十善道乃至四無色定百倍千倍千萬億
倍乃至筭數譬喻所不能及尔時有一比丘
語釋提桓因憍尸迦是善男子善女人行般
若波羅蜜功德勝於仁者釋提桓因言是善

男子善女人一發心勝於我何況聞是般若
波羅蜜書持讀誦正憶念如說行是善男子
善女人行般若波羅蜜非但勝我亦勝一切
世間天及人阿脩羅非但勝一切世間天及
人阿脩羅亦勝諸須陀洹斯陀含阿那含阿
羅漢辟支佛非但勝是須陀洹乃至辟支佛
器大小各自取足問曰如經說六千菩薩無
般若波羅蜜方便力故行五波羅蜜不得是
無分別法作阿羅漢若一切聖人皆得無爲
法無爲法即是無分別何以此中說不得無
分別法作阿羅漢荅曰非說今世聽法時乃
是過去五百世時不得般若方便修集五波

羅蜜功德以是故言不得無分別失菩薩信
等五根失菩薩信等五根故雖聞般若不得
如菩薩所聞即於實際作證問曰俱行空無
相無作何以一人得作佛一人作阿羅漢荅
曰雖有種種因緣得阿羅漢大因緣所謂離
薩婆若心行空等故大鳥者金翅鳥於諸天
如此間人鳥雀等無異是鳥所以不來者此
鳥食龍翅出毒風扇一切眼失明故是鳥初
出翬羽翼未成意欲飛去即時墮落中道心
悔我未應飛欲還往本天上舍摩梨樹上是
鳥身大羽翼未成不能舉身鳥身是菩薩身
大者世世廣集五波羅蜜功德無兩翅者是

無般若波羅蜜無方便須彌山者是三界虛
空是無量佛法未應飛而飛者是菩薩功德
未成滿欲行菩薩三解脫門欲遊無量佛法
虛空中而自退沒是心雖欲願作佛而不能
得若死者是阿羅漢道死等者辟支佛道若痛
若惱者失菩薩本願功德佛自結句乃至住
是無得無相心中應布施等此經中合喻義
自明了故不說

今時欲色界諸天子白佛言世尊阿耨多羅
三藐三菩提難得何以故是菩薩摩訶薩應
知一切諸法是法亦不可得佛言如是如是
諸天子阿耨多羅三藐三菩提難得我亦得

姚佛言有菩薩摩訶薩先世聞是深般若波
羅蜜心不信解如是菩薩魔得其便復次阿
難菩薩聞說是深般若波羅蜜時意疑是般
若波羅蜜爲實有爲實無如是菩薩魔得其
便復次阿難有菩薩遠離善知識爲惡知識
所攝故不聞深般若波羅蜜不聞故不知不
見不問云何應行般若波羅蜜云何應修般
若波羅蜜是菩薩惡魔得其便復次阿難若
菩薩遠離般若波羅蜜受惡法是菩薩爲惡
魔得便魔作是念是輩當有伴黨當滿我願
是菩薩自墮二地亦使他人墮於二地復次
阿難若菩薩聞說深般若波羅蜜時語他人

言是般若波羅蜜甚深我尚不能得底汝復
用聞用學是般若波羅蜜為如是菩薩魔得
其便復次阿難若菩薩輕餘菩薩言我行般
若波羅蜜行遠離空汝無是功德是時惡魔
大歡喜踊躍若有菩薩自恃名性多人知識
故輕餘行善菩薩是人無實阿鞞跋致行類
相貌功德無是功德故生諸煩惱但著虛名
故輕賤餘人言汝不如在我所得法中尔時
惡魔作是念今我境界宮殿不空增益三惡
道惡魔助其威力令餘人信受其語信受其
語故受行其經如說修學如說修學時增益
諸結使是諸人心顛倒故身口意業所作皆

受惡報以是因緣增益三惡道魔之眷屬官
殿益多阿難魔見是利故大歡喜踊躍阿難
若行菩薩道者與求聲聞道家者共諍闍魔
作是念是遠離薩婆若阿難若菩薩菩薩共
諍闍瞋恚罵詈是時惡魔便大歡喜踊躍言
兩離薩婆若遠復次阿難若未受記菩薩向
得記菩薩生惡心諍闍罵詈隨起念多少却
若干劫數若不捨一切種智然後乃補介所
劫大莊嚴阿難白佛言世尊是惡心乃經介
所數劫於其中間寧得出除不佛告阿難我
雖說求菩薩道及聲聞人得出罪阿難若求
菩薩道人苦闍諍瞋恚罵詈懷恨不悔不捨

者我不說有出必當更尔所劫數若不捨一
切種智然後乃大莊嚴阿難若是菩薩鬪諍
瞋恚罵詈便自改悔作是念我爲大失我當
爲一切衆生下屈今世後世皆使和解我當
忍受一切衆生履踐如橋梁如聾如啞云何
以惡語報人我不應壞是甚深阿耨多羅三
藐三菩提心我得阿耨多羅三藐三菩提時
應當度是一切苦惱衆生云何當起瞋恚阿
難白佛言世尊菩薩菩薩共住云何佛告阿
難菩薩菩薩共住相視當如世尊何以故是
菩薩摩訶薩應作是念是我真伴共乘一船
彼學我學所謂檀波羅蜜乃至一切種智若

是菩薩雜行離薩婆若心我不應如是學若
是菩薩不雜行不離薩婆若心我亦應如是
學菩薩摩訶薩如是學者是爲同學

釋曰釋提桓因上說善男子書受持般若乃
至正憶念得無量功德今說其義是人讀誦
般若乃至阿耨多羅三藐三菩提不令餘心
心數雜者得如上所說功德但從聞說而不
能行餘心不入者雖得功德不名爲無上餘心
心數法雜者有人言慳貪等及破六波羅蜜
惡心是有人言但不令惡心增長成其勢力
來則滅除有人言不令聲聞辟支佛心得入
有人言無記散亂心雖非惡以遮善道故亦

不令得入是故是人不從小功德來佛可其
言如是欲分別清淨行勢力故反問憍尸迦
若閻浮提人一切成就十善道等如經說是
福德雖多離諸法實相故虛妄不牢固無常
盡滅不足爲多如草芥雖多不如一小金剛
問曰是比丘何以語帝釋善男子福德勝仁
者荅曰帝釋已住福德果報中人天之主威
德尊重是比丘重是善法欲顯此功德故言
勝於仁者復次是比丘聞帝釋得聲聞道是
故言汝雖有福德是菩薩勝汝帝釋得道深
念佛法故不生高心受其語言菩薩爲阿耨
多羅三藐三菩提但發心便勝我何況如所

說行何以故帝釋福報微薄是菩薩功德淳
厚又以帝釋福德著天樂自爲其身菩薩功
德爲一切衆生迴向佛樂故時會聽者聞比
丘說勝於仁者帝釋受其語咸生輕帝釋心
是故帝釋言不但勝我乃至勝菩薩行般若
無方便力者如所說行般若波羅蜜時不離
餘心心數法故是中帝釋自說勝因緣所謂
是菩薩如說行般若不斷佛種乃至以行般
若波羅蜜故得是現世功德問曰阿難何以
作是念言帝釋自以力說用佛力說答曰阿
難知帝釋是聲聞而所說甚深過聲聞辟支
佛智是故生疑而問問曰帝釋自有智能問

能答何以言佛力答曰般若甚深甚難無量
無邊若在異處說尚難何況於佛前大眾中
說是故言佛力如持心經說以光明威神入
其身故能於佛前難問有所說佛告阿難可
帝釋所語更難行深般若菩薩有大威德所
謂阿難是菩薩習學深般若時惡魔生疑惡
魔是菩薩怨賊常求菩薩便如魔品中說以
菩薩深行般若波羅蜜故魔大作方便壞菩
薩心若菩薩懈怠者魔大歡喜是人自當墮
落有人言一切菩薩應有魔怨是故阿難問
為盡有魔亦有無者佛分別答所謂深清淨
心行菩薩道則無魔擾不清淨為魔所壞如

經廣說問曰如佛所說一切有爲法皆可轉
可捨阿難何以疑而問佛是罪可悔不荅曰
阿難知般若波羅蜜是無盡因緣若供養福
無邊乃至得佛福猶不盡若訶瞋罪亦如是
無邊是故問佛佛荅我法雖有出罪若菩薩
其鬪結恨不即捨則不可出何以故是菩薩
深心輕慢瞋餘菩薩故以瞋慢憍故不能下
意其悔欲更行餘功德求滅此罪佛言此罪
不出以懷恨故雖作餘福德皆不清淨不清
淨故無力無力故不能滅罪此人若欲作佛
不捨一切智下意懺悔者補尔所劫乃得發
大莊嚴問曰心中懷恨云何可滅荅曰破瞋

因緣如經說阿難知一切衆生屬業因緣不
得自在無能救者心懷怖畏問佛菩薩共住
云何云何用心恭敬佛菩薩供養恭敬當如視佛
是未來佛故此中佛自說因緣菩薩共住應
作是念是我真伴俱到佛道共乘一船船者
吳波羅蜜三界三漏為水彼岸是佛道彼所
學者我亦應學學者所謂六波羅蜜等同戒同
見同道如白衣兄弟不應共鬪我是同法兄
弟亦不應共諍若是菩薩雜行離薩婆若心
我不應如是學何以故勝事應從他學惡事
應捨菩薩若作是學輕慢瞋恨事皆滅是則
名菩薩同學

大智論釋等學品第六十三

須菩提白佛言世尊何等菩薩摩訶薩等法
菩薩所應學須菩提內空是菩薩等法外空
乃至自相空是菩薩等法須菩提色色相空
受想行識識相空乃至阿耨多羅三藐三菩
提阿耨多羅三藐三菩提相空須菩提是名
菩薩摩訶薩等法住是等法得阿耨多羅三
藐三菩提須菩提白佛言世尊若菩薩摩訶
薩為色盡故學為學薩婆若為色離故學為
色滅故學為學薩婆若為色不生學為學薩
婆若受想行識亦如是修行四念處乃至十
八不共法盡離滅不生學故為學薩婆若佛

告須菩提如須菩提所說爲色盡離滅不生
故學爲學薩婆若受想行識乃至十八不共
法盡離滅不生故學爲學薩婆若佛告須菩
提於汝意云何色如受想行識如乃至阿耨
多羅三藐三菩提如佛如是諸如盡滅斷不
須菩提言不也世尊佛告須菩提菩薩摩訶
薩如是學如爲學薩婆若是如不作證不滅
不斷須菩提菩薩摩訶薩如是學如爲學薩
婆若須菩提菩薩摩訶薩如是學爲學六波
羅蜜爲學四念處乃至十八不共法若學六
波羅蜜乃至十八不共法爲學薩婆若須菩
提如是學爲盡諸學邊如是學魔若魔天所

不能壞如是學直到阿鞞跋致地如是學爲
學佛所行道如是學爲得擁護爲學大慈大
悲爲學淨佛世界成就衆生須菩提如是學
爲學三轉十二行法轉輪故如是學爲學度
衆生如是學爲學不斷佛種如是學爲學開
甘露門如是學爲學欲示無爲性須菩提下
劣之人不能作是學如是學者爲欲拔沉沒
生死衆生菩薩摩訶薩如是學終不墮地獄
餓鬼畜生中終不生邊地終不生旃陀羅家
終不聾盲瘖瘂拘躄諸根不缺眷屬成就終
不孤窮菩薩如是學終不殺生乃至終不邪
見如是學不作邪命活不攝惡人及破戒者

如是學以方便力故不生長壽夭何等是方便力如般若波羅蜜中所說菩薩摩訶薩以方便力故入四禪四無量心四無色定不隨禪無量無色定生須菩提菩薩如是學一切法中得清淨所謂淨聲聞辟支佛心須菩提白佛言世尊一切法本性清淨云何言菩薩一切法中得清淨佛告須菩提如是如是一切諸法本性清淨若菩薩摩訶薩於是法中心通達不沒即是般若波羅蜜如是諸法一切凡夫不知不見菩薩摩訶薩爲是衆生故行檀波羅蜜乃至般若波羅蜜行四念處乃至一切種智須菩提菩薩如是學於一切

法中得智力無所畏如是學爲了知一切衆
生心所趣向譬如大地少所處出金銀珍寶
須菩提衆生亦如是少所能學般若波羅蜜
多墮聲聞辟支佛地須菩提譬如少所人受
行轉輪聖王業多受行小王業如是須菩提
少所衆生行般若波羅蜜求一切智多行聲
聞辟支佛道須菩提諸菩薩摩訶薩發心求
阿耨多羅三藐三菩提中少有如說行多任
聲聞辟支佛地多有菩薩摩訶薩行般若波
羅蜜無方便力故少所人任阿鞞跋致地須
菩提以是故菩薩摩訶薩欲在阿鞞跋致地
欲在阿鞞跋致數中應當學是深般若波羅

蜜復次須菩提菩薩摩訶薩學是般若波羅蜜時不生慳貪心不生破戒瞋恚懈怠散乱愚癡心不生諸餘過失心不生取色相取受想行識相心不生取四念處相心乃至不生取阿耨多羅三藐三菩提相心何以故是菩薩摩訶薩行是深般若波羅蜜無有法可得以不可得故於諸法不生心取相須菩提菩薩摩訶薩如是學深般若波羅蜜揔攝諸波羅蜜今諸波羅蜜增長諸波羅蜜悉隨從何以故須菩提是深般若波羅蜜諸波羅蜜悉入中須菩提譬如我見中悉攝六十二見如是須菩提是深般若波羅蜜悉攝諸波羅蜜

須菩提譬如人死命根滅故餘根悉隨滅如
是須菩提菩薩摩訶薩行深般若波羅蜜時
諸波羅蜜悉隨從須菩提菩薩摩訶薩欲令
諸波羅蜜度彼岸應學深般若波羅蜜須菩
提菩薩摩訶薩學是深般若波羅蜜者出一
切衆生之上須菩提於汝意云何三千大千
世界中衆生多不須菩提言一閻浮提中衆
生尚多何況三千大千世界佛告須菩提若
三千大千世界中衆生一時皆得人身悉得
向耨多羅三藐三菩提若有菩薩盡形壽供
養承所佛衣服飲食卧具湯藥資生所須須
菩提於汝意云何是以是因緣故得福德

多不須菩提言甚多甚多佛言不如是善男子善女人學般若波羅蜜如說行正憶念得福多何以故般若波羅蜜有勢力能令菩薩摩訶薩得阿耨多羅三藐三菩提須菩提以是故菩薩摩訶薩欲出一切衆生之上當學般若波羅蜜欲爲無救護衆生作救護欲與無歸依衆生作歸依欲與無究竟道衆生作究竟道欲爲盲者作目欲得佛功德欲作諸佛自在遊戲欲作佛師子吼欲撞擊佛鐘鼓欲吹佛唄欲昇佛高座說法欲斷一切衆生疑當學深般若波羅蜜須菩提菩薩摩訶薩若學深般若波羅蜜諸善功德無事不得須

善提白佛言世尊寧復得聲聞辟支佛功德
佛言聲聞辟支佛功德皆能得但不於中住
以智觀已直過入菩薩位中須菩提菩薩摩
訶薩如是學近薩婆若疾得阿耨多羅三藐
三菩提須菩提菩薩摩訶薩如是學為一切
世間天及人阿脩羅作福田須菩提菩薩摩
訶薩如是學過諸聲聞辟支佛福田之上疾
近薩婆若須菩提菩薩摩訶薩如是學是名
不捨不離般若波羅蜜常行般若波羅蜜須
菩提菩薩摩訶薩如是學行般若波羅蜜當
知是不退轉菩薩疾近薩婆若遠離聲聞辟
支佛近阿耨多羅三藐三菩提須菩提菩薩

摩訶薩行般若波羅蜜時若作是念是般若
波羅蜜我以是般若波羅蜜得一切種智若
如是念不名行般若波羅蜜須菩提若不作
是念是般若波羅蜜是人般若波羅蜜是般
若波羅蜜法是人行般若波羅蜜得阿耨多
羅三藐三菩提是名行般若波羅蜜須菩提
若菩薩作是念無是般若波羅蜜無人有是
般若波羅蜜無有行是般若波羅蜜得阿耨
多羅三藐三菩提何以故一切法如法性實
際常住故如是行是爲菩薩摩訶薩行般若
波羅蜜

釋曰上阿難問闍諱佛答同學清淨今須菩

提問佛甚深同心等法是菩薩所學處佛答
內空乃至自相空是名等法有二種等忍上
品末說衆生等忍此品說法等忍如稱兩頭
停等如是內空等諸空於諸法中平等如內
法有種種差別得內空則皆平等無法乃至
自相空一切法相皆自空是時心則平等菩
薩住是等中能得阿耨多羅三藐三菩提須
菩提復問爲色等盡故爲學薩婆若觀色等
無常念念滅不住若得是觀心則離色心離
色故諸煩惱滅煩惱滅故得不生法須菩提
問如是學爲學薩婆若佛反問須菩提於汝
意云何色等諸法如及如來如是如爲盡滅

斷不須菩提言不是如從本已來不集不和
合云何有盡不來不生云何有滅是法本來
虛誑無有定相云何可斷須菩提菩薩摩訶
薩能如是學如為學薩婆若是如常不可證
不可滅不可斷是盡離斷除顛倒故行非是
究竟此中說究竟事於是佛讚歎如是學雖
不定為一法故而學薩婆若若學薩婆若即
是學六波羅蜜等若能學六波羅蜜等是為
盡諸學邊若盡諸學邊是人無量福德智慧
具足故魔若魔民無能降伏如是正學故直
到阿鞞跋致地如是學為學佛所行道如是
學皆為十方諸佛及大菩薩諸天善人所守

護能如是學是人無有邪見心無所著於一切衆生能起大慈大悲大慈大悲故能教化衆生衆生心清淨故佛界清淨佛界清淨已得佛道三轉十二行法輪以三乘度無量衆生以大乘度衆生故不斷佛種不斷佛種故於世間常開甘露法門常示衆生無爲性無爲性者所謂如法性實際涅槃甘露者無爲性門者三解脫門下劣者名懈怠放逸不樂佛法不一心行道罪福雜行如是等不能學是法何以故是下劣者作是念我身及親屬是我所應護諸餘衆生何豫我事而以頭目髓腦施之令其得樂一切人皆方便求

樂我今何為捨樂求苦或生邪見復作是念
衆生無量無邊度不可盡若可度盡即是有
量有邊一佛便可度盡或作是念佛說一切
法空不生不滅我復何所度求佛道不求佛
道同如幻夢如是等下劣人以種種邪見貪
欲因緣故不能學此大法或時有大人出世
籌量思惟諸法實相所謂非常非無常非有
邊非無邊非有非無等行如是道破顛倒見
還捨此道直入法性常住是清淨法性中以
一切衆生不知是事故生大悲心然後修集
六波羅蜜等諸功德佛神通智慧無礙解脫
得阿耨多羅三藐三菩提以種種方便門廣

度衆生如是人爲希有問曰如先說衆生無
量無邊又言衆生空復何所度如是去何可
有所度荅曰此是下劣人所說何足以之爲
證復次先所說以邪見貪欲因緣故下劣之
人。生作是念言衆生有邊無邊一切法空無
所有一切法常實皆是六十二邪見所攝大
人無欲思惟籌量離如是過罪住於法性生
大悲心譬如大人但以施心施與他財而不
取價貪欲之人求因緣而與邪見之人依有
邊無邊等無有能無事而有所作譬如小人
市易求利乃與又復大人菩薩無所求欲能
以頭目等施與衆生所得果報亦以施與一

切法心無所依而能集諸功德是故佛說欲
拔一切衆生沉沒生死者能如是學復次如
是學者常有慈悲憐愍心不惱衆生故不墮
地獄常觀因緣諸法實相不生愚癡故不墮
畜生常行布施破慳貪心故不生餓鬼中佛
所說十二部經八萬四千法聚常不恡惜故
不生邊地常供養尊長善人破憍慢故不生
梅阨羅等下賤人中深心愛衆生具足行利
益事故受身完具以善法多化衆生故眷屬
成就終不孤窮深愛樂尸羅波羅蜜故不行
十惡道及以邪命無有我心但利益衆生不
自爲身故不攝惡人及破戒者惡人名心惡

破戒者名身口惡復次行三不善道名惡人
行七不善道名破戒復次菩薩若在家攝惡
人名惡人出家攝惡人名破戒問曰菩薩爲
度惡人故出現於世譬如良醫療諸疾病何
以故不攝惡人荅曰惡人破戒者有可化有
不可化此中但說不可化者若攝取共住則
自壞其道於彼無益譬如救溺自不能浮而
欲濟彼二俱不免是故說遠離惡人以欲界
多惡生憐愍心故生欲界中雖行禪心調柔
濡以方便力故命終時不隨禪生如經中廣
說須菩提菩薩如是學於一切法中得清淨
所謂淨聲聞辟支佛心淨名捨離無所有畢

竟空須菩提白佛言若一切法從本已來空
清淨去何言菩薩如是學得一切法中清淨
佛可須菩提言為說因緣若菩薩知一切法從
本來空清淨於是中心不沒不却不沒名不
疑不生邪見通達不與空諍是名般若波羅
蜜一切凡夫人不知不見如是清淨法為是
人故行六波羅蜜等諸助道法菩薩法應教
化是衆生是名菩薩一切法中得清淨所謂
捨三界顛倒過聲聞辟支佛地一切法中得
清淨智慧力得是功德故三世十方一切衆
生心心數法心行所起種種業因緣悉能遍
知知已隨其所應為說法開化如是等利益

皆是學般若故得是故言盡諸學邊少有能
如是學是人難得佛欲令此義明了故說譬
喻金銀及轉輪聖王業等復次菩薩學是般
若時不生慳等心不生慳等心者菩薩學般
若波羅蜜故抑制諸煩惱煩惱雖未盡無所
能作是故言不生菩薩行般若知一切諸法
相皆虛誑不實故是以不取色乃至阿耨多
羅三藐三菩提相何以故不欲令墮有無見
中故直行中道集菩薩行此中佛自說因緣
菩薩行般若於一切法無所得無所得故無
有法可取相若善若不善等菩薩若能如是
學揔攝諸波羅蜜檀等諸波羅蜜不離般若

波羅蜜般若波羅蜜力故。令餘波羅蜜離諸
邪見。貪著各得增長。佛欲令此義明了。故說
譬喻。如我見及命相。盡問曰。我見諸見各有
別。相云何攝入我見。中荅曰。雖有別相。我見
是本人。以無明因緣。故空五眾中生。我見生
我見。故言是身死。如去不如去。若如去。則是
常見。若不如去。則是斷見。若謂斷滅。現今受
樂著五欲。以惡法為最。則生見取。若謂常出
家學道。持戒苦行。則生戒取。或時見斷。常俱
有。過故便言無因緣。果報則生邪見。住是五
見。中世間常無常。前際後際等生。五十七見
是故說身見攝六十二見。無咎如是等種種。

因緣譬喻故知般若波羅蜜諸法中最第一
般若波羅蜜諸法中最第一故菩薩學是般
若故於衆生中第一佛欲以是事善化衆生
故說譬喻須菩提於汝意云何三千大千世
界中衆生多不如是等乃至菩薩如是學當
知是不退轉遠離二乘近佛乘復次佛告須
菩提若菩薩作是念是般若波羅蜜是般若
波羅蜜者示般若波羅蜜相若有若無等見
般若得般若著般若等我以是般若波羅蜜
得一切種智者五衆和合假名菩薩菩薩隨
逐假名字計以爲我以是般若有所作般若
是無得無著相而是人說有相般若是最一

義是人隨假名而生我心般若無作相而
是人欲用般若有所作所謂我用是般若得
阿耨多羅三藐三菩提是故佛言作如是念
者不名行般若若不如是念名為行般若波
羅蜜問曰作是念不作是念事已盡何以復
有第三說荅曰初者是邪行相第二遮邪行
未說正相是故第三說正行相復次初是著
心取相第二破是著相不說云何是諸法相
第三中破邪著亦說實相菩薩作是念於一
切處不顯示般若波羅蜜相亦不生我心我
用般若波羅蜜有所作但知一切法常住如
法性實際中於如法性實際中不諍是故說

第三無咎

大智度論卷第七十七

表

戮

音六婆蹉

下七何反

戲拈

下弄字

狐疑

上音胡

履踐

音下

賤

拘躄

下亦必反

撞擊

上直降反

如稱

下今作秤

取賈

作

古價溺

奴的



